



HENRICVS Dux Bauariæ, Comes Babenbergensis, dictus CLAVDVS, ab electoribus formula Gregorii Imperator creatus est. Princeps illustris moribus, & vitæ sanctimonia præclarus, in bonis literis à teneris educatus, prudentia & insignibus victoriis clarus. Multa & ingentia bella mirabili felicitate gessit. Principiò Bohemos & Vandalos bello fatigatos, tributarios subditos sibi fecit, Metas & Gandauum obsedit, Lotharingiam & Flandriam deuicit. In Italia aduersus Sarracenos pugnavit, eosque Italia expulit. Victor tum Romæ à Benedicto VII. coronatus est. Hungaros ad fidem Christianam pertraxit, & Stephano Hungarorum Regi sororem in matrimonium tradidit. Multos Episcopatus, qui Barbarorum incursione fuerant deuastati, auxit, & locupletauit, redditibusque suis denuò ditauit. Babenbergæ Episcopatum fundauit, & diuitiis dotauit. Cùmque regnasset XXI. annos Conradoque Franco legitimo suffragio electorù, in Cæsarem electo, in humanis esse desiit, ac Babenbergæ sepultus est, superstitite coniuge Chunegunde, cum qua cœlibem perpetuò vitam duxit, eamque iam morti proximus parentibus, cognatis & affinibus conuocatis illibatam, castam & intactam reddidit, & commendauit.

Numi huius alterum latus continet Imperatorem loricatedum & paludatum trophæis insidentem, & mulierem solatam ante eum stantem, sinistra labarum tenentem, dextra globum, cui insistit Victoriola, Imperatori offerentem: A tergo illius, alteram Victoriâ coronam ei imponentem, cum inscriptione: CONSERVATORI PANNONIAE.

CHVNEGUNDIS Sigifredi Palatini Rheni filia, vxor Henrici  
 M. 3 Imper